

ISLAMONLINE.UZ

TAVORIX

Жадидлар





Абдурауф Фитрат. Шарқ сиёсати (1919)





Бир кун кон тенгизларинда ботган, тамуг ўтларинда кўмилган Шарк бир кун тинчлик ва тараккий бешиги эди. Бу кун оёқлар тагинда эзилган Шарк бир кун маданиятнинг йўлбошчиси, билим ва хунарнинг ўчоги эди. Оврўпа дунёси вахшат ва билмаслик чўлларинда обдираб[1] шовкин-тошкиг! юрар экан, Шарк дунёси бутун инсоният оламини саодат ва тинчлик ўчоқларига эришдурмак учун иш кўруб турар эди. Оврўпа(да) бир маҳалла оксоколлиги йўк экан, Шаркнинг «кўзкучинос», «барахма», «исо», «зардушт» ва Мухаммадлари бутун одам ўғулларини бир нуктада тўплаб тўгри ва билгили йўлга киргузмак учун тиришар эдилар. Чинлилар ёзиш учун коғоз ясаганда оврўпалилар

ўнг-сўл кўлларини бир-бириндан айира олмас эдилар. Замон бузгунлариндан кутулуб тарих дунёсинда колган Хитой маданиятининг излари бу кун дахи оврўпалиларни хайрон килмокдадир. Бу кун тирикликнинг хар ёгиндан караганда тараккий ва саодатнинг сўнг боскичини босиб ўтган оврўпалилар орасинда Хиндустонда бўлиб ўтган маданият замонларини кўрмагани учун кайгурган билгучилар бордир. Оврўпалилар дин ва килисо[2] таассубларига берилиб, билмасликнинг энг теран чуқурларига тушган чоғда араблар, мусулмонлар, Юнон, Эрон ва Хиндустонда кўмуллуб колган маданиятни тиргуздилар. Хинд ва Юнонда унутилиб колган билим, хунар, хикмат ва фалсафани бир ўрунда тўпладилар. Андалус, Миср(ни) бирор маданият мактаби, тараккий ўчоги, билим бешиги килдилар. Бағдодда — араб санъатчилари соат ясаб, Оврупага йубарганда Париснинг[3] у палладаги ангеллари[4] «бу кути ичида шайтон»лар бор деб соатни ташлаб кочган эдилар. Бугунги маданият ва мағрур Оврупанинг шаҳарларинда кам тинчлик ва осойиш йўк экан, Бағдоддан Туркистонгача тинч ва осуда бормок мумкин эди. Мусулмон маданиятининг эгалари ёлгуз ўзларининг эмас, бутун бошарият дунёсининг тинчлик, тараккий ва саодати учун тиришар эдилар. Унлар хозирги маданий йиртгучилар[5] каби ўзлариндан бўлмаган миллатларни хайвон санамас эдилар. Тўғридурким, мусулмонлар дахи бошқа миллатларга каршу уруш очдилар: тўғридирким, мусулмонлар дахи бошқаларнинг ўлкаларини олурга тиришдилар ва олдилар, лекин унларнинг жахонгирликлари бу кунги маданий Оврўпанинг жахонгирлиги каби олинган ўлкаларнинг улусларини таламок, эзмак, йикитмок учун эмас, унларни янглиш йўлдан кайтармок, унларнинг орасинда кириб «хак» дея топилган ўз фикрларини унларга қабул этдирмак, бутун дунё улусини «хак» ва «хакикат» теграсинда тўпдамок учун эди. «Байтулмакаддас»ни, Мисрни, Андалусни, Истанбулни олган мусулмон ҳукуматларининг у ерлардаги халкка берган ҳуқуқлари, колган ривоятлари тарих бетлариндан ўчурилмакдадир. Араб бошликлари бир ўлкани олганда у ердаги улуснинг тинчлигини сакламок учун бироз кўшун кўяр ва шул кўшуннинг чикимлари учун бироз солуг олар эдилар. Бирок ёвнинг юрушига чидамасдан шул ўлкани ташлаб чикмокчи бўлганда улус оксоколларини чакуруб «биз бу солуг окчаларини тинчлигингизни сакламок учун сиздан олган эдик. Бундан кейин тинчлигингизни саклай олмаймиз, шунинг учун бу окчаларингиз бизга харомдир» деб олган солугларини кайтариб кетар эдилар. Африкога кирган мусулмонлар Амрико ва Африкони боскон маданий оврупалилардек ерли халкни битирмак учун тиришмадилар. Унларга маданият бердилар. Амрикога кўнок бўлуб кирган Оврупа маданийлари Амрико ерли халкини битираёздилар, буни билмаган йўқдир. Африкони босиб олган Оврупа жахонгирлари у ердаги кора халкни ўлат каби ўлдуруб туралар. Холбуки, мусулмонлар Африканинг Жазойир, Тунис, Фас[6] каби ўрунларини олгач, у ерларни тараккий этдурдилар, халкини тинчлантурдилар, унлар I дан буюк одамлар етушдирдилар. Шарк ўзининг тарихи, сиёсати, хунари, инсофи, адолати, ахлоки ва хидмату эътиборлари билан унча юксалмиш, у кадар тараккий этмиш эдиким, тасаввури ҳам бизнинг мияларимизга сигмайдур. Шарк маданий йиртгучи эмас эди. Шарк бошқаларнинг халкларини олмас эди. Шарк башариятнинг юксалиши учун тиришар эди. Шарк маданият ўчоги, инсоф бешиги, ахлок мактаби, билим мадрасаси эди. Биз, шарклилар, башариятга килган хидматларимиз учун бу кунги конли Оврупага карши яхшигина махтана олурмиз. Биз, шарклилар, маданият йўлинда тутдигимиз хидматларда давом этганда букун башарият дунёсини кўб юксак мавкёларда кўрмак мумкин эди. Негаким, Шарк билим, хунар йўлинда Оврупа жахонгирларидек ўрток кони ичмак ва оркадош уйин таламок учун эмас, инсонлик дунёсини юксалтирмак учун тиришар эди.

Ёзуқлар, эсизларким, Шарк ўз йўлида давом эта олмади, маданият тарихининг энг буюқ ва энг тугал коидатариндан бири шудир: бир улус тирикчилигининг хар тўғрисида юксаиб, тараккий килиб тинчланса, бирор ёқда кучлирок бирон бири кўринмаса, ўлкаси кенгайиб, окчаси кўпайса, ул улуснинг бора-бора ахлоки бузулур, тотлиги йўлдан чика бошлар. Биз, шарклилар, дахи тинчлик ва рохат сўнгинда бузулиб колдик, йўлдан оздик, эзгу тилақларимизни унута бошладик. Билим ва хунардан юз кайтардик, бирлик ва ахлоқдан айрилдук, окчага берилдик, окчага сотилдук, шунинг сўнгида Хитой, Турк, Форс, Араб ва Хинд мамлакатлариндан хар бири ўз кўнуғи билан, ўз навбати билан тинчлик ва тараккий боскичлариндан куллик, йўқсуллик чуқурларига юмалаб туша бошладилар. Шаркнинг бутун ишлари онгсиз беклар, тушунчасиз хонлар, миясиз муллалар, билимсиз эшонларнинг кўлига ўтди. Бунлар Шаркнинг бутун тузук ва интизомини бузуб юбордилар. Хонлар ўз коринларини тўйдирмок учун халкни бир-бири билан урушдирдилар, мамлакатнинг жонли ва мухим ўрунларини сотдилар, муллалар ўз иставларига «дин» отини токиб бозорга чикардилар, дин, тангри, пайгамбар, учмох ва тамуг оркали Шарк халкини талай бошладилар. Шаркнинг тараккий йўли кўмулди. Саодат ва тинчлик эшиклари богланди, саодатнинг энг юксак тепасига чиккан Шарк йўқсулликнинг энг теран чуқурига тушди. Шаркнинг Хитойи, Эрони, Турони, Арабистон билан Хиндустони бариси бир туртки ўт билан, билмаслик ва гафлат ўти билан ёниб битди. Шарк гафлат ва билимсизлик тамугларига юмалаб ётатурган чоғда Оврупа кўзи уйкусиндан янгигина тура(р) эди. Оврупалилар узун ва зарарли гафлат уйкусидан уйгонгач, оч колган йиртгучилар каби Шарк устига отилдилар. Дунёнинг энг ёғли бир бўлағи бўлган Шарк йиртгучи хайвонлар орасинда колган семиз, лекин кучсиз бир кўй холатини олди. Оврупа йиртгучилари Шаркнинг хар ёниндан солдурдилар. Тиш, тирнокларига илинган ерларини йиртиб, узуб олабердилар. Боякиш Шарк ўз жонини куткаргали кўб тиришди, тебранди, кичкирди, додлади, югурди, хамла килди, кочди, кўркутди, ялинди, эсига келган хар йўлга кириб кўрди. Бирор осуг[7], бирор унум, бирор фойда кўра олмади, нега-ким, унга охсум[8] бўлган йиртгучиларнинг кучлари кўб, тиштирноклари ўткир эди. Англизлар Хиндустонни ютдилар, Мисрни босдилар. Аданга келиб Арабистонга кўл узатдилар. Рус империалистлари Кафкасиёни таладилар, Туркистонга кириб, Хитой, Афгонга, Эронга кўз тикдилар. Франсўзлар Тунис билан Жазойирни гасб этиб, Фаластинга юкундилар. Ўзининг ибтидоийлиги билан тинчгина яшаб турган боякиш Африко китъаси Оврупа жахонгирлари орасинда бўлинди. Бу олиш-беришларнинг хеч бири урушсиз бўлмади. Оврупанинг оч «киргий»лари ўзларининг билимсиз, жохил дехконларининг бошларига нўхталар[9] солиб Шаркга тортдилар, унлар бирор нарсани онгламасдан Шаркдаги ишчи ва дехконлар узра солдурдилар, унларнинг ёзугсиз тинчгина ётган оркадошларини урдилар, ўлдурдилар, таладилар, талатдилар. Шаркнинг ёзигсиз кишиларини ўз бойларига кул килиб бердилар. Оврупанинг ишчи ва дехконлари бу олиш-беришдан нима козондилар? Битмас яралар, туганмас кайгулар, бошка хеч йўк...! Оврупа жахонгирларининг Шарк сари юришлари бошкаларнинг конини тўкуб ўз курсокларини тўлдирмок, ўзгаларнинг уйини ёндуруб, ўз козонларини кайнатмок учун эди. Лекин унлар тилақларини улусга билдирмас эдилар. «Шарк халки вахшийдир, уларни маданийлашдурмак учун борармиз», «Шарк халки билимсиздир, унларга билим таркатмок учун борармиз», «Шарк халкини хоч буйруқларига[10] бўйсундирмак учун борармиз», деб ўз ишчи ва дехконларини алдаб, бизим устимизга юборур эдилар. Унлар бу ёлгон бахона ва сўзларни ёлгуз ўз аскарлари орасинда эмас, биз шарклиларга хам уялмасдан айтиб туралар: «Сиз, шарклиларга маданият йўқдир, сизлар ибтидоий вахший

кишилар эурсиз, сизни ислох этмак, тартиб бермак, ўкутмак, маданияшдурмак керакдир, бу иш бизнинг (яъни Оврупанинг) вазифаларимиздир. Ер юзининг энг обдон бўлаги бўлган Шаркни ишга солмоқ, башарият дунёсининг энг катта йигини бўлган шарклиларни вахшатдан куткармоқ бизга фарздир. Мана шунинг учун биз (оврупалилар) Шаркга келдик. Шарк ҳукуматларининг бир кисмини олдик ва колган кисмини ҳам олмокчи бўлуб турамиз» деярлар. Бу сўзларнинг Шарк тўғрисидаги бир кисми тўғридир. Воқеан, билимсиз колмишдир, Шарк Оврупага караганда кўпдан-кўп орқада колмишдир. Лекин Оврупанинг Шаркка маданият бериши ёлгондир. Оврупа жаҳонгирлари Шаркдан олган мамлакатларда тараккий ва маданият деган нарсани катъиян кўргузмадилар, кўргузмакка тиришмадилар. Оврупанинг бизга берадиган нарсалари белгилдир: сафохат, ахлоксизлик, кумор ва шаробхўрлик. Шаркнинг дин ва одатларига катъиян тўғри келмаган фоҳишахоналарни ўлкамизда Оврупа жаҳонгирлари очдилар. Бутун башарият ҳаётига, маишатига, ишига раҳналар солгучи шароб дўконлари юртимизга шул Оврупа бойлари «химмати» билан курулди. «Фаранга»[11] деган кўркунч касал Шаркга Оврупа жаҳонгирларининг боскинлари билан келди. Хулоса: Оврупа жаҳонгирлари Шаркга бугунгача ахлоксизлик ва бузукликдан бошқа бир нарса бермадилар.

Шаркга маданият мактаблари, инсоният мадрасалари очармиз деб келган Оврупа жаҳонгирлари фоҳишахона ва майхонадан бошқа бир нарса очмадилар. Ажабо, Оврупа жаҳонгирлари бу ишларини билибми килдилар, билмасданми килдилар? Албатта, билиб килдилар, жўрттага килдилар. Унларнинг тилаклари бизга маданият бериб, бизда маориф таркатиш, бизни тараккий этдурмак эмас, турли фоҳишахоналар, майхоналар очиб, бизнинг ахлокимизни бузмок, бизнинг соғлигимизни хароб этмак ва уругимизни курутуб, бизни ишдан чикармоқ ва ўз кўлларига мухтож килиб кўймоқдир. Унлар Шаркхалкини бутун йўк килиб, Шаркни ўзларига моя[12] килмокчи эрурлар: Оврупа жаҳонгирларининг бир «кулгули» ва «йўк этур» сиёсатлари Шаркнинг мусулмон дунёсининг хар ёгинда бир турлигина жорийдир. Англиз бойлари Хиндустон халкини битирмак учун кандай тадбирлар кўриб, кайси йўллар билан кетсалар, франсузлар Жазойир ва Тунис халкини битирмак учун шулгина тадбирларни кўриб, шулгина йўллар билан кеталар.

Оврупа жаҳонгирлари Шаркка туткан сиёсат йўллари шунлардир: Шаркнинг ахлокини бузмок, кўнглини диний ва миллий мукаддасатиндан[13] совутмок, шарклилар орасинда айрилик ва ёвлик солиб бир-бирларига килич чекдурмак, шарклини ишсиз, ялков, оч ва ялангоч килиб ўзларига кул этиб олмок, ювош-ювош шарклининг кўлиндан ер ва кимматли нарсаларини юз турли хийлалар билан тортиб олмок, Шарк халкини турли йўллар билан секин-секин йўк килмок...! Англиз ва франсуз жаҳонгирлари томонидан Хитой, Хинд ва Мисрда очилган фоҳишахона ва майхоналар, йуборилган пўплар ва миссионерлар, очилган мактаблар, бариси шунинг учундир. Русия Николай ҳукумати бизнинг Туркистонимизда ҳам шул тадбирларини кўрмадими?

Оврупа жаҳонгирлари дунёнинг энг ёмон зулмини килатуруб, ўзларини одил ва инсонпарвар айтдилар. Кани, кўрайлик-чи, бунлар бизнинг мусулмон ва Шарк дунёсига кандай адолат конунлари тутуб, кандай инсониятпарварона ишлар килганлар? Оврупа жаҳонгирларининг коидалари, буюк курсоклилари, Шаркдан кўб ер олганлари англиз ҳукуматидир. Шаркнинг олтун хазиналари бўлган Хиндустон китъалари англизлар жаҳонгирининг кўлидадир. Лекин бу ҳокимлик адолат конунларига мувофик тенглик негизларига караб кўрулмаган. Бу каров конли ҳокимликнинг асоси зулм ва инсофсизликдир. Хиндустоннинг эгалари бўлган ерли халк билан кўнок бўлуб келган

икки-уч кадрсиз англиз орасинда тенглик йўқдир. Хиндустонда ерлилар учун бошка, англизлар учун бошка махкамалар бор. Ерлилар учун айри зиндонлар, англизлар учун айри турмалар бор. Англизлар учун ясалган махкама, турмалар конунли, адолатли, хафз сихатига[14] мувофик ва тинч ясалган. Ерлилар учун курулган махкама ва зиндонлар эса тартибсиз, бузук, золимхона, коронгу ва кўркунч бир шаклда курулган. Ерлилар учун тузанган «жазо» конунлари англизлар учун тузулган конунлардан кўп фарклидир. Бир пичок кўтариб юрган, бир англиз итига тош отган, бир товук ўгирлаган бир ерли тутулса, неча ойлик коронгу ва кирли турмага буюруладир. Бир хиндлини ўлдурган, бир бонкани урган англизга эса энг кулай, энг кичкина бир жазо бериладир ёхуд авф этиладир. Хиндустонда бир англиз итига тош отиб, олти ой зиндонга буюрилган ерли кўбдир, лекин юз хиндлини ўлдуруб, конун ёнинда масъул бўлган бир англиз топилмайдир. Англиз жахонгирларининг Хиндустондаги пилонлари Хиндустон халкини окчасиз, яп-ялангоч кўюб халок этмакдир. Англиз ҳукумати Хиндустондан йилда 4 юз эллик милйўн сўм оладир. Оврўпанинг сиёсати конунларига караганда хар ўлкадан ҳукумат хазинасига кирган окчанинг шул ўлканинг ободлиги ва тараккийси учун сарф бўлиши лозимдир. Англиз ҳукумати шул окчадан милйўнгача сўмини Хиндустон маорифи йўлинда сарф киладир. У ҳам Хиндустондаги англиз болаларини ўкутмок учундир. Икки юз милйўн сўмини Хинд англиз бўйунтуруги остинда саклагучи Хинд аскарийга сарф килиб, колганин ўз копчугига тикадир. Шунча окчадан Хиндустон халки учун бир чакалик фойдё йўқдир. Хар йили Хиндустон халкининг юздан учтаси очликдан ўлуб кетадир. Ўзларини инсоният ошиги атаган англиз жахонгирлари бунга кулубгина карамокдан бошка иш кўра олмадилар. Унларнинг Хиндустонда козониши кунда йигирма сўм, хиндлиники кунда бир сўмдир. Бунинг сабаби нимадир? Англизнинг кўлини бунча очиб, хиндлининг кўлини бир-бирига болаган кимдир? Бир хиндлини бир англизча ишламакдан манъ килган кувват кайси кувватдур. Шубха йўқким, англиз ҳукуматидир. Англиз жахонгирларининг Мисрда юрутган сиёсатлари Хинддаги сиёсатлариндан яхшироқ эмасдир. Ўзларини дунёнинг энг маданий, энг инсофли ва инсонпарвар деб топилган Фарансия жахонгирларининг зулмларини кўрган киши англизларга раҳмат айтмасдан тура олмайдир. Кирк-эллик йилдан бери усмонли ҳукуматиндан тортиб олдиги Тунис ва Жазойир мусулмонларига карайлик, унларнинг холларини кўз олдина кетурайлик. Фарансиянинг жахонгир ҳукумати ўзининг бутун маъмурлари билан Тунис, Жазойир мусулмонларини йўқ килмок учун онт ичганга ўхшайдир. Хуррият, мусовот[15] ва ҳукуки башарнинг бешиги бўлган Фарансиянинг конунлари Жазойир билан Тунис кунига солмаган, Тунис ва Жазойир хавосинда тириклик килиб юрган мусулмонлар хуррият ва инсоният хомийси бўлган – фарансузларнинг боғланган кўллари ва бўғозланган туткунлари эрурлар. Фарансиянинг энг якин бир кишлогинда солинган мактабининг изи ҳам Туниснинг энг катта бир шахринда топилмайдир. Фарансиянинг энг ахмок бир боласига берилган сўз эрки (сўз хуррияти) – Жазойирнинг энг улуг бир файласуфига ҳам берилмайдир.

Тунис, Жазойир мусулмонларига «хуррият», «хукук», «адолат» деган анко кушлари кўлга солмайлар. Фарансиянинг маъмурлари ва юзбошилари Тунис ва Жазойирга келганда илон каби огули, шайтондек ёвуз, сомондай енгил, «Корунга» ўхшаш бой бўлуб коларлар. Тунис ва Жазойир халкининг номуслари билан ўйнаб, жонлари билан тижорат килиб турарлар. Туниснинг экин ерлари мусулмонлариндан бутун олунуб фарансуз бойларига берилган, ерли халкнинг кўлинда экин ери сира колмаган, барисини фарансуз бойлари алдаб-сулдаб, кўркутиб, уриб олганлар.

Бу кун бутун Тунис экинчилари фарансузнинг энг кадрсиз хидматчилари бўлуб ишлайлар. Фарансузларнинг бутун фикрлари Тунис ва Жазойир мусулмонларини иш қилиб йўқотмок ва унларнинг ерларига эга бўлмокдир. Оврупа жахонгирлари бир миллатни йўқ қилмок учун ҳаммадан бурун у миллатнинг миллий ва диний ахлокини бузалар. Ундан кейин миллий тилини чуруталар. Фарансузлар Жазойир ўлкасинда бу ёвуз фикрларини бироз юрута олмишлар. Бундан олти йил бурун Тунис ва Жазойирга саёхат учун боргани мисрли бир ёзгучи ўз саёхатномасинда шул сўзларни ёзадир[16]: «Фарансия бузуклиги Жазойирнинг кентларинда унча таъсир қилмаган бўлса ҳам, шаҳар кишиларига хўб ёмон таъсир этган. Миллий ахлоқдарин, дан асар йўқ, миллий тиллари йўқола ёзган, Жазойир халкининг бир бўлаги ўз тилларини сира билмайлар. Фарансузча гапуралар, бир бўлаги билсалар ҳам, тугал билмайлар. Гапурсалар сўзларининг ярими арабча, ярими фарансузча бўлуб чикадир. Яна шу мисрли сайёх айтадир: «Бир ягинчокларига[17] бордим. Ягинчокда хозир бўлган кишиларнинг бариси араб эди. Бирок сўйлашлари фарансузча бўлар эди. Танишларимдан бирига айтдимким: мана шул мажлисда бироз гапирсам бўлурми?

Танишим: Кайси тилда гапурасан?

Мен: Арабча.

Танишим: Бунлар бирортаси ҳам арабчани онгламайдир.

Мен: Бунлар араб эмасларми?

Танишим: Араб, лекин ўз тилларини унутганлар...!

Мана шул сўзларнинг хар бири фарансузларнинг туб тилакларини яхшигина билдирадир. Оврупалилар, айникса, фарансуз ва англизларнинг тилаклари бизни битирмақдир. Биз унларга канча дўст бўлсак, канча яхшилик қилсак, ўз жонимизни йўлларинда қурбон этсак, яна бўлмас, унлар бизга яхши кўз билан қарамаслар, бизни битирмақ фикрини ташламаслар, ниятиким, умумий урушнинг биринчи йилларинда Тунис мусулмонлари Фарансия ҳукуматига мурожаат қилдилар: «Канча аскар истасангиз берармиз, ҳаммамиз уруш майдонларига бориб ёвларингиз билан урушармиз, жонимиз ва молимиз билан сизга кўмакчи бўламиз. Сиз ҳам бизга ўз фарансузларингизга берилган ҳуқуқни берингиз! Бизга ўғай кўзи билан қарамагиз, Фарансияда юрутулган адолат қонунларини бизнинг ўлкада ҳам юритингиз, дейлар. Фарансия ҳукумати қабул этмади. Хиндустонлилар ҳам шул урушда англизларга канча хидмат қилдилар, қонларини англиз фойдаси йўлида сувдек тўқдилар. Хинд мусулмонлари ўзларининг халифалари бўлган Туркияга ҳужум этдилар, Дардония[18] ёнинда канча диндошларини шаҳид этдилар. Англиз ҳукумати ёлғузгина шул хинд оқчаси ва шул хинд кўшуни[19] билан Олмония ва Туркияни енга билди. Уруш битгандан кейин англиз ҳукумати шул жонқуяр хиндлиларга қараб: «сизнинг кўмагингиз билан шунча иш бўлди, мана бу ҳақни олинг, сиз маним дўстларимсиз» дейдими? Албатта, йўқ...! Бу кун хинд халкининг уйи яна шул англиз тўпи билан йиқилиб ётар, бу кун хинд улусининг боши яна шул англиз қиличи билан қесишиб турадир.

Шул беш йиллик уруёдда Эрон ҳукумати англиз йўлдошларига кўб яхшилик қилди. Диндошлари бўлган туркларга қўшилмади, қўшилган қабилаларга «ёғий» деб қаради, ёв муомаласи қилди. Англиз қўшинига йўл берди. Уруш битгач, малъун англизлар унга хўппокда[20] бермадилар. Эрон вакилини сулҳ мажлисига киргазмадиларким, Эрон истиклолини қабул этмадилар демақдир. Эрон шохини Лўндирага чақирдилар. Шох Лўндирага бориб, эҳтимолким, англиз қучи остинда Эрон истиклолининг ўлум қогозинда қўл қўйуб қелар.

Русия императёрлик ҳукуматининг бизга килган зулмлари англизнинг Хиндустонда килган зулмлариндан қолишмас эди.

Оврупа жаҳонгирларининг бунча ҳақсизликлари, бундай ёвузликлари ёлгуз мусулмон дунёсига эмас, бутун Шаркга қарши эди. Нега юз йилдан бери чет ёкга чекилган «оч қорним, тинч қулогим» деб ўтурган сиёсат дунёсининг ҳеч бир ишига қатнашмаган Чин халқининг дағи роҳати шул Оврупа жаҳонгирлари томонидан бузулди. Бундан қирк-эллик йил бурун Жопўниё халқи ҳам шул Оврупа жаҳонгирлари томонидан эзилиб тура эди.

Оврупа жаҳонгирлари Шарқдан, тўғридан-тўғри ўз қўлларига ўткан ўлкаларигагина бу зулм ва бу инсофсизликларни қилмадилар. Бу қунгача қўлларига ўтмаган ўз бошли, мустиқ Шарқ давлатларини ҳам эздилар, таладилар. Англиз, фарансуз жаҳонгирларининг Туркия ўлкасинда қилган ишлари давлатлар ҳуқуқига, инсоф ва адолат қонунига бутун муқолифдир. Буқун ҳар эронлининг юрагини очиб қўрганлар англиз ханжари билан очилган қўб яраларни қўрарлар. Туркиянинг тошлар ва қесақлариндан ҳар бирини қўтариб қараганлар Оврупа қиличи билан тўқулган қон томчиларига учрарлар. Туркиянинг доҳилий ишларига қўл узатмоқ, Туркиянинг тараккий йўлини боғламоқ, Туркия ҳукуматининг эътиборини йўқ қилмоқ оврупалиларга ўйинчоқ бўлуб қолган эди. Мустиқ, бетараф ва сулҳчи бўлган бояқиш Эрон ўлкаси Англиз ва Русия жаҳонгирларининг оқчалари билан ҳозирланган ихтилол[21] ва исёнлар ва ўз бошли бўлган бу ҳукуматнинг доҳилий ишларига қўл узатмоқга қимсаннинг, «бошқа бир давлатнинг» ҳақи йўқдир. Лекин, бу қонун Шарқдавлатларига юрутулмайди.

Оврупанинг энг қадрсиз ва энг сойигсиз[22] қичқина бир ҳукумати бўлган Қорабоғ ҳукумати Шарқни қадрли ҳукумати бўлган Туркиянинг доҳилий ишларига қотиша, қўл узота эди. Оврупанинг инсофи, маданият давлатлари унинг бу ишига қулубгина қарай эдилар. Тунис ва Жазойирда мусулмонларни сойимлиги ва муқаддас шайхлари ҳонақоҳ ичиндан қортилиб, қор ёғочига осиддилар. Туркияга тобеъ бўлган «Қариб»[23] отасиндаги мусулмонларнинг ёзуғсиз қолалари она қориндан қикатуруб ўтга қолиндилар, мустиқ бир Шарқ давлати бўлган Эроннинг қуюқ муқтаҳид[24]лари Русия ва Англиз қўнсулларининг тилақлари билан қорга осиддилар. Николай ҳукумати қамонида рус қўшини Имом Али Ризонинг[25] шарафина тўпга тутдилар, англизлар бутун мусулмон дунёсининг муқаддас имоми бўлган Қазрат Алининг равзасига[26] тўп отдилар, инсофли ва маданият (!) Оврупа давлатлариндан бирортаси ҳам товуш қикармади. Лекин Туркияда бир арманининг қурниндан ёлқондан қон қикганда Истанбул соҳили Оврупа уруш қемалариндан тўлар эди. Бу маданият йиртқуқилар Истанбулни олиб ваҳший мусулмонларни (!) у ердан қувмоқчи бўлар эдилар. Бунча зулм, бунча инсофсизлик ва бунча ваҳшийликдан Оврупа жаҳонгирларининг тилақлари ўлкалари олимай қолган Шарқ давлатларини ҳам битурмақ, бутун Шарқ ерларини олиб Шарқ халқини қул қилмоқ эди. Бу иш Оврупа жаҳонгирларига бир оз қийин тушди. Шарқ ҳукуматларини битурмақ, Шарқ ўлкаларини қосмоқ қулай эди, бирок олиган ўлкаларни ўзаро бўлушмақ қийин эди. Қайси қойли бўлагини қим олар эди, суяқсиз таъмили ўрунлари қимга теғар эди. Оврупа жаҳонгирларини қўбрақ тушундирган нарса қана шул улашмоқ эди.

Оврупа жаҳонгирлари шул маъсаланни эсга олғач, ишлари қийинлашди. Қойли бир қесим эт устига йигилган оч итлар қабир-қабрига қарашлари ўзқарди, қўзлари қотиша бошлади, ҳар қабир ўзқасига отилмоқ, уни эзмақ етади. Шарқнинг энг ёғли қисмлари бўлган Миср ва Хиндустон англиз қўлинда эди. Шунинг учун бошқа жаҳонгир давлатлар шунга қўз тикдилар. Ҳар қабирлари шул қойли қесимларни англиз тирноқ қариндан қортиб

оларга тиришдилар. Русиянинг Туркистонни олиши, Фарансиянинг Мисрга истиклол тиловлари, Олмониянинг Туркияга яхшиликлари барчаси шул «Хинд учун кураш» деган масъаладан чикган эди. Йўкса, Фарансиянинг Миср мусулмонларига дўстлиги Олмониянинг Туркияга дўстлиги каби ёлгон ва бўш эди. «Хинд учун кураш» деган масъала бора-бора улгайди, «Шарк учун кураш» шаклини олди. Оврупа жахонгирларининг хар бири бутун Шаркга хоким бўлмок учун ўзгасининг кўзини чикармокчи эди. «Шарк» деган бу гўзал севгили хонимни бутун ўзиники килиб олмок учун энг тиришган давлат Русия императўрлиги эди. Русия жахонгирлари Кафкас ва Туркистонни олгандан кейин Хиндустон сари икки йўл хозирлаган эдилар: «Истанбул ва Миср оркали Хиндустон», «Афгонистон ё Эрон оркали Хиндустон». Англизлар Русия жахонгирларининг бу тушунчаларини онглаган эдилар, Шунинг учун бор кучлари билан Афгон, Эрон, Бухоро, Туркия ҳукуматларининг ўз бошлилик (истиклол)ларини саклашга тиришдилар, бироқ Русиянинг кучи кундан-кун кўпая бошлади. Русия шул холга келдиким, бу кун-эрта Хиндустонга юруш киларини хар ким сезди, Хиндустонни англизлардан тортиб оларига хар ким ишонди. Бу «бало»дан кутулмок учун англизларга биргина йўл колган эди: ишкилиб, Русиянинг бошига бир таёк урмок. Англизнинг шайтон сиёсати учун бу иш кийин тушмади. Англизлар Жопўниёга ёндошдилар. Жопўниёни Русия узра солдилар. Русия жахонгирлари тегишли таёкни Жопўниёдан еб, сулх килгандан кейин англиз билан онглашмок ва келишмакнинг кераклигини билдилар. Англизлар билан сўйлашиб онглашдилар, мушохадалар ясадилар. Оврупа жахонгирлари бир йўла бир-бирлари билан ёв бўлуб, бир-бирига уруша берганда бунинг сўнгги ўзлари учун яхши тушмас эди. Шунинг учун баъзилари ўзаро сўйлашиб келишдилар, уюшмалар ясадилар. Русия, Англиз, Фарансия давлатлари бирлашиб «илашган уч давлат» («эйтилофи мусаллас» давлатлари) бўлдилар. Олмоний, Италия, Австрия-Можористон давлатлари бирлашиб «уюшган бир давлат» («иттифоки мусаллас» давлатлари) ясадилар. Бу давлатлар сўздагина умумий сулхни сакламок, умумий урушнинг йўлини богламок учун ясалган бўлсалар ҳам хакикатда буюк ва санкарсиз бу уруш учун тайёрлик кўруб тура эдилар. Бу икки «давлатлар тўдаси» («хайъати дувалия»)-дан хар бир топкон бойликлариндан кўбрагини уруш яроклари тайёрламок йўлинда хормай, тинмай сарф килар эдилар. Билим ва хунарнинг кўмаги билан шахар сингари кемалар, томуг кўринишли тўплар, тоғ гавдали учгучлар ясаб тура эдилар. Бунларнинг бариси дунёнинг тараккийси учун эмас, кучсизларни эзмак учун, Шаркни ютмок учун эди. Боякиш Шаркнинг ютулмаган давлатлари ўзлари учун энг осигли йўл деб шуни топдиларким, Оврупада бир-бирига карши ясалган шу икки тўдани орасиндаги душманликдан фойдаланиб, ўз борликларини сакласунлар. Бир кун англиз ва йўлдошларига ёлбордилар, бир кун Олмония ва ўртоқларига ялиндилар. Шул иш билан хурликли, коронгулар орасинда ўз борликларини саклай олдилар. Шарк ва Гарб ишлари шул йўлларда юруб келатурганда 1914 да Сарой ўрамлариндан биринда «серб» йигитининг тўппончасиндан бир учкун чикиб бутун дунё ёнгинига сабаб бўлди. Бутун Оврупа жахонгирлари орасинда очилган бу конли уруш Шарк мазлумларига кўб яхши фурсат беради, Шаркнинг кутулиш соати келган эди. Шаркнинг бунда вазифаси катта-кичик, мусулмон, мажус демасдан бирлашмак: бир-бирининг конини ичиб турган Оврупа йиртгучилари каршисиндан бир куч ва бир кўл бўлуб чикмок эди. Билимсиз колган Шарк бу тўгри йўлни кўра олмади. Бу фурсатни ҳам кочирмас. Шаркли яхшиликни унутмас. Шаркли сиздан бир яхшилик кўргандан кейин сизга тирсак кўрсатмас. Шаркда сармояга эътибор билан оврўпа даражасинда капитализмчилик йўқдир. Шарк Улуслари

кўбчилик эътибор билан экинчи ва ишчи эрурлар. Шарк экинчилари орасинда рус алповутлари янглиг эгалари топилмайдир. Шунинг учун Шарк уйгонгач, сутсиолизм асослариндан каттиг суратда бош тортмас. Тўғриси айтганда Русия ҳукумати Шарк билан келишмак ва иттифок этмакка мажбурдир.

- [1] обдираб — довдираб, аланглаб.
- [2] килисо — черков.
- [3] Парис — Париж.
- [4] ангел — фаришта.
- [5] йиртгучи — йирткич.
- [6] фас — Марказий Африка.
- [7] осуг — фойда.
- [8] охсум — Бу ўринда «хамла» маъносида.
- [9] нухта — тизгин.
- [10] хоч буйруклари — насронийлик талаблари.
- [11] фаранга — таносил касаллиги.
- [12] моя — сармоя жойи.
- [13] мукаддасатин — кадриятлар.
- [14] хафз сихати — гигиена коидалари.
- [15] мусовот — тенглик.
- [16] ёзакдилар — қаратдилар.
- [17] ягинчок — клуб.
- [18] Дардония — Дардонел бўғози.
- [19] Инглизларнинг Хиндистон хисобига орттирган бойликлари назарда тутилади.
- [20] хўппок — ҳеч нарса, ҳемири.
- [21] ихтилол — инкилоб.
- [22] сийгсиз — фойдасиз.
- [23] Кариб — орол номи.
- [24] мужтахид — жиҳодга кирган.
- [25] Имом Али Ризо — татар олими ва адиби Ризо Фаҳруддин.
- [26] Ҳазрат Али равзаси — Ҳазрат Али барпо қилган бог.